

# 節義

天地無人不能成三才人無四維不能成立故聖人之生爲三才立極也前旣闡忠孝之大綱今復申節義之要領學者須知三教分名其源則一所謂節者合乾坤而言匪獨婦道然也卽如蘇武洪皓忠節也吳扎左桃義節也漆園之蒙莊於陵之餓士徐穉之論稼穡陶潛之植菊松皆志節也明季東林諸臣實氣節也至於坤道如截耳明志露筋守貞皆執堅忍不拔之操以成其節而此堅忍之志可以紀美丹青可以爭光日月作聖成真實不外此義則一腔熱血俱從性靈中流出非若世之僞交以斗粟尺帛之惠遂謂之義也總之大義炳然生死不二不

道藏輯要

三寶心鑑

十一

壁集四  
大州大

愧屋漏可質鬼神片言傾蓋終始如新夷齊之志荀侯之信范張之情荆聶之俠斯可謂之義矣節義二字作用不同而志無不一人能執節行義則志操不撓以此築基何患性不明而命不得合觀忠孝兩文不曉然於儒玄之無異乎學道者當知此四字爲載道之要訣也

## 積功

夫問道求玄原爲修身立命然非累行積功焉得福緣遂其所願故修道之與積功猶車之有輪舟之有楫方能致遠不此之求而曰非不爲也是不能也愚實甚焉若證其源但除意惡妄想四字是不功之功所謂存誠主敬慎獨守中善與人同不知

不愠太虛無雲止水無波是也溯其流大則綱常名教社稷生  
民補天地之所不逮小則濟饑溺扶病患斬狹路之荆棘容罔  
人之橫逆以至一草一木一言一動不敢傷天地之和是也總  
之立心忠恕懲忿窒慾好學深思自強不息方爲入道之基學  
者晝觀於妻子夜卜諸夢寐果能事事無愧則三千行滿八百  
功圓又何難之有不然天地之大日月之明風雷之盛山澤之  
靈本諸身者未能位育施於外者豈得和平吾是以推本窮源  
二六時中惟留心於意惡妄想庶幾有所把握則仍是未能積  
功先求寡過之意也吾是以復有寡過之說進

寡過

道藏輯要

三寶心鑑

三

壁集四

過者過而不返之謂來得疾去得快人不及察已不及覺大洞  
金真所恐者一過字周易聖人所勗者一悔字時時悔刻刻悔  
則復於無過又何惡人之不可以事上帝書曰禹拜昌言子曰  
某也幸分明一悔過遷善法門奈何人日在過中而不知卽明  
師益友直指其過而不省不惟終身無改過之時抑且無知過  
之日此其故始陷於不明繼病於不勇苟人告以過矣恨無如  
其已往卽察其將來防之益防省而又省暗室屋漏以及生死  
寵辱關頭對天地鬼神而無憾所謂不遷不二終始天心方信  
一點靈明人所同具而力行近仁又學者進修第一關鍵也勿  
以善小而不爲勿以惡小而爲之過之終功之始遷善卽改過